


金石文叢稿本

河内和泉

七

特別  
千10  
4622  
7





410  
4622  
7



河内

河内名所圖會三十九

河内国十六山金剛輪寺所藏日谷稚宮之碑  
日谷稚宮杜ハ物谷村ヨリ契ノ方三町許ニ  
アリ林中ニ石祠アリ此所ハ瑞齒別命ノ幸カ  
曾婆訶理メテ誅シ夕マニ此明ハ瑞齒別命ノ  
ナリナ一トテ一誅シ夕マニ此明ハ瑞齒別命ノ  
ナリナ一トテ一誅シ夕マニ此明ハ瑞齒別命ノ



腹

瑞齒別天皇  
伊波別命  
袁登賣命

背

維日谷稚宮者  
及正天皇一夜  
袂之旧蹟也



船氏墓誌

銅牌長九寸七分濶二寸二分厚五厘面背鑄之

面

第一行 惟船氏故王浚首者是船氏中祖王智仁首見那沛  
第二行 故首之子也生於乎安陀宮治天下天皇之世奉仕  
第三行 於等由羅宮治天下天皇之朝至於阿須迦治天下  
第四行 天皇之朝天皇照見知其才異仕有功勳勅賜官位  
大仁品為第

背

第一行 三殞亡於阿須迦天皇之末歲次辛丑十二月三日  
第二行 庚寅故戊辰年十二月殯葬於松岳山上共婦安理



故能刀自同墓其大兄刀羅古首之墓並作墓也即  
為安保萬代之靈基牢固永劫之寶地也

西琳寺所藏○船氏○銅牌河內國古市郡古市村

我大臣船目宿○船氏○銅牌河內國古市郡古市村

辰大為船首因賜姓勅遣王辰甲欽子種勾宮十

王智仁大姓阿氏錄右京諸蕃云船連野朝臣也同祖

野朝臣出自百濟國都幕王世孫智仁貴後又菅

○手婆陀宮○菅野朝臣出自百濟國都幕王世孫智仁貴後又菅

等由羅宮○菅野朝臣出自百濟國都幕王世孫智仁貴後又菅

○阿須迦宮○菅野朝臣出自百濟國都幕王世孫智仁貴後又菅

官○官位大仁一品第三十日  
冠二位第十階第一德也○阿須迦天皇之末歲辛  
第二位小德第三第一德也○阿須迦天皇之末歲辛  
丑年本紀云舒大明皇崩于百濟宮○戊辰年天皇  
即元年丑十月辰天崩于百濟宮○戊辰年天皇  
攝政七年也



逸叟老師云右船氏鍤放墓誌一枚刻在表裏今  
在河內國古市郡古市邑西琳寺船氏日本書紀  
敏達紀云天皇執高麗表疏授於大臣召聚諸史  
令讀解之是取諸史於三日內皆不能讀爰有船  
史祖王辰介能奉讀釋略下輝星按欽明紀妹七月  
辛酉昨甲子幸樟勾宮蘇我大臣稻目宿祢奉敕  
遣王辰介教錄船賦即以王辰介為船長因賜姓  
為船史今船連之先也又按皇極紀云蘇我臣蝦  
蟻等臨誅悉燒天皇紀國紀珍室船史惠尺郎疾  
取所燒國記而奉中大兄万多親王弘仁姓氏錄



云船連管野朝臣同祖大阿良王之後也。**乎**婆陁  
**宮**敏達紀云是歲命卜者占海部王家地與絲井  
王家地下使繫吉遂營宮於譯語田是謂幸玉宮  
**等**由羅宮推古紀云冬十二月壬申朔己卯皇后  
即天皇位於豐浦宮。**阿須**迦宮舒明紀云二年十  
月壬辰朔癸卯天皇遷於飛鳥岡傍是謂岡本宮  
皇極紀云二年四月丁未自權宮移幸飛鳥板蓋  
新宮云：按飛鳥宮此指舒明朝也故下文謂**大**  
**仁**推古紀云十一年十二月戊辰朔壬申始行冠  
位大德小德大仁相當孝德紀云二年廼者我民

貧絕專由營墓爰陳其制尊卑使別中大仁小仁  
之墓者其外九尺高濶各四尺不封使平役一百  
人一日使訖云。  
老師又云右墓誌余未詳其世而以文中所載  
官位大仁品為第一及天皇恐舒之末歲次辛丑  
及戊辰以長曆推之則年十二月等教語則乃知  
天智天皇即位七年所記疑



河内國石河郡形浦山碑尺許今移立春日村

寺中見

飛鳥淨原大朝廷大弁官直大貳采女竹良卿造墓形浦山地四十代他人莫上敬水犯穢傍地

也巳丑年十二月廿五日  
采女和泉國神鏡速日命神別云采女朝臣石上朝臣同  
雄余之也  
姓賜月來臣賜本朝臣武天皇即位  
良筑羅  
山作ル  
云四十代  
云百步  
皇即位

明治九年五月廿三日寫



己丑年

明治十五年七月廿八日

河内名所圖會三十九才

永手之墓  
山在河内国十六  
金剛輪寺

碑跌共自然石高二尺二寸横三尺八寸





統日本紀曰寶龜二年二月己酉左大臣正一位藤原朝臣水手薨取年五十八奈良朝贈太政大臣房前之第二子也母曰正二位年漏玉以累世相門起家授從五位下勝寶九歲至從三位中納言兼式部卿寶字八年九月任大納言授從二位神護二年拜右大臣授從一位居二歲轉左大臣寶龜元年高野天皇不愈取道鏡因措籍思私勢振內外自廢帝黜宗室有重望者多懼非辜日嗣之位遂且絕矣道鏡自以竈愛隆渥日夜僥倖非望于宮車駕定策遂安社稷者大臣之力居多焉及薨天皇甚痛惜之詔遣



正三位中納言兼中務卿文室真人大市正三位員  
外中納言兼宮内卿右京大夫石川朝臣豐成吊賻  
之中略遣正四位下田中朝臣多太麻呂從四位上  
佐伯宿称今毛人從四位下大伴宿称伯麻呂等監  
護喪奠云々

元亨秋昏日大傳藤原永手薨せらる其子大中大夫モ病ニ罹ラレシ  
ニ醫治効アラサレハ法ノ救ヒラ一比丘ニゾ乞レケル比丘香ヲ燃テ持  
誦ス此ニ大中托シテ曰ク我ハ永手ナリ我平生法華寺ノ幢ヲ什  
シ或ハ八角七層ノ塔ヲ營ミシ中我其ヲシテ四角五級ニ減シ造ラ  
シム此ニ由テ地獄ニ落テ身ニ火柱ヲ抱キツト手ニ火釘ヲ釘ウツ  
斯リレニ所ニ忽ニ閻王ノ宮中ニ大烟充塞ケルニ玉驚キテ何ナル由ソト  
問玉ヲニ側ナル人ノ曰クコレハ日本國ノ藤原永手カ子病ニ侵サレシ  
カ呪師香ヲ燃テ持誦ス其烟ノコトニ及ホスニテ有ト云ケレハ閻王我  
ヲ赦シテ本土ニ皈シ玉ヲ然レハ我屍既ニ燒ケテ寄ル処ナケレハ屢来  
リ告ルソト言終リヌレハ病ハ即愈ケリ



羣書一覽卷二 百九

永手公墓誌

一葉

篆書一行四字筆者法少ひくく守の集古十種小河内  
国古市郡駒谷村金剛輪寺境内永手公墓誌と見え

2



皇統傳略卷二十一

東城兔幾雄

東政始 列人臣皇孫登極

高整天皇神護景雲四年八月崩シ玉フ片ニ儲嗣マシマサ  
ス然ルニ天智天皇皇孫白壁王人臣ニ列シタマヒ官中納  
言タリ此王寬仁ニマシマシテ無皆歿シ奉ル故ニ左大臣  
永手右大臣真備近衛大將藏下麻呂從四位上百川等  
禁中ニ第ヲ定メ遺詔ヲ奉スト稱シテ迎ヘ奉ル是ニ於  
テ祚ニ登リタマフコトヲ先仁天皇ト申シ奉ル此片正數  
踐祚ト申シ奉リカタク故ニ東政トソ申セル



高屋連墓

在河内國叡福寺變深堂側田間  
延享年間掘地所獲

故正六位上常陸國大目高屋連牧人之墓

寶龜七年歲次丙辰十一月乙卯朔廿八日壬申

葬

吾古小録卷上十三 曰河内國石河郡□□山

崩テアラハル今叡福寺ノ東南院ニ蔵ス



羣書一覽卷二 頁下ウ

高屋枚人墓誌

行書五行三十九字故正六位上常陸国大目云一宝龜七年  
云一〇案もろ集古十種碑銘部卷之三河内国石川  
郡高屋連枚人墓誌と見えり



紀廣純女吉繼墓誌

長八寸三分 闊五寸三分 厚二分 餘

維延曆三年歲次甲子朔癸酉丁酉叅議從四位下  
陸奥國按察使兼守鎮守副將軍勳四等紀氏諱廣  
純之女吉繼墓志

藤貞幹曰河内國石河郡春日村妙見寺ノ境内

一邱陵土人茶田アリ、往年此墓誌出ツコレ紀

氏ノ吉地ナルコト知ベシ、誌石今妙見寺ニ藏

ス



紀氏女吉繼墓志私考

坤陵 諦順逸史撰

吉繼墓誌

按續日本紀寶龜十一年三月條曰戊寅授無位  
紀朝臣東女正五位上又延曆十年五月條曰乙  
丑授無位紀朝臣河內子從五位下所謂東女或  
恐是吉繼若其姊妹而河內子亦其女弟歟

維延曆三年歲次甲子即桓武天皇即位三年是歲  
遷都于山州長岡後十年始遷于平安城去今年明  
和庚寅凡九百九十七年矣朔癸酉丁酉欠月以長

明治十五年七月廿九日



曆考之茲年癸酉朔實屬正月則知古記其不書月者概屬正月也丁酉乃正月二十五日也參議從四位下職原鈔參議唐名諫議大夫諸臣中四位已上有其才之人奉勅參議官中政續日本紀光仁天皇寶龜十一年二月丙申從四位下紀朝臣廣純為參議陸奧國按察使續日本紀寶龜八年五月丁丑陸奧守五位下紀朝臣廣純為兼按察使又元正天皇養老三年七月始置按察使又天平寶字七年七月從五位上藤原朝臣田麻呂為陸奧出羽按察使蓋奧羽者大國也故時置按察使府耳職原鈔按察

使唐名都護近代納言之上兼之兼守鎮守副將軍職原鈔鎮守府將軍唐名鎮東將軍古來尤為重寄非武略之器者不當其任又云副將軍二人中古以來不任之按兼官其來尚矣論語管仲官更不攝所謂攝者乃兼官也又漢有守令守郡謂丞未當得而越授之故曰守夏物紀原云守猶今之權也又通典云凡正官皆稱行守其階卑而官高者稱守官階同者並無行守字竊謂行高階卑官守卑階高官勳四等據文武紀勳位十二等其第四等准從四位又按野宮定基卿曰勳位以軍功叙者乃武位也又舊



唐書百官志云勳官出於周齊交戰之際本以酬戰  
士其後漸及朝流也又官制沿革云勳品自齊梁有  
之今柱國而下是也周禮王功曰勳按唐勳十二轉  
上柱國正一品一柱國從一品上護軍正二品上輕  
車都尉正四品上輕車都尉從四品上騎都尉正五品上騎都尉  
從五品上驍都尉正六品上飛騎尉從六品上雲騎尉正七品上武騎尉  
從七品上本邦勳位十二等恐本此然止有等名而無官  
名此為異或曰往古置勳位十二等盖有勳功人至  
一等則列于正三位之下從三位之上紀氏諱廣純  
續日本紀寶龜十一年二月陸奧按察使兼鎮守副

將軍從四位下紀朝臣廣純為參議又云同年三月  
上疑大丁亥陸奧國上沼郡大領外從五位下伊治公皆麻  
呂反率從衆殺按察使參議從四位下紀朝臣廣純  
於伊治城廣純大納言兼中務卿正三位麻呂之孫  
左衛士督從四位下字美之子也寶龜中出為陸奧  
守尋補按察使在職視夏見稱幹濟之女吉繼墓志  
志典誌通

白疑台  
右紀氏女吉繼墓志河州石川郡春日村天白山  
妙見寺所藏數年前其村民掘地獲之云按統  
龜五年三月條載新羅國使到治太宰府遣河內  
守從五位上紀朝臣廣純等問其來朝之由云



據之則紀氏知其制在版脩可尺博半之深可二  
寸覆以瓦蓋誌則鐫其版面字大如錢凡四十五  
字直書四行絲畫界之其美雖不及威奈卿墓誌  
而亦頗古雅蓋此徐師曾所謂墓碑記之類所謂  
埋諸壙前以為陵谷變遷之防者也其重作瓦蓋  
者蓋為護其字耳不則其在土中九百餘年其字  
未必不刑缺也其用意深遠者於是可見焉今併  
書以示好古君子云

明治十九年五月廿三日寫

羣昏一覽卷二 百八丁ノ

紀廣純女吉繼氏墓誌

楷昏四行四十五字維延曆三年歲次甲子云々。集古十  
種小河内国石川郡春日村紀廣純女吉繼墓誌と見  
之了了



河内国礪長山叡福寺聖靈院瑪瑙碑

吾為利生出彼衡山入此日域降伏守屋之邪見  
終顯佛法威德於處、造立四十六箇之伽藍化  
度一千三百餘僧尼制記法華勝鬘維摩等大乘  
義疏斷惡修善之道漸以滿足矣今年歲次辛巳河内  
国石川郡礪長里有一勝地尤足稱美故點墓所  
已畢吾入滅以後及四百三十餘歲此記文出現  
武尔耽国王大臣發起寺塔願求佛法耳



河内古市郡譽田村譽田八幡宮鐘鑄文

八幡宮譽田山陵鐘也建久七年丙辰七月日鑄之

同奥院羯鼓胴文

正平□年□十一月日作之天王寺伶人公徳泰取

判下有  
華押

同奥院釣燈爐銘

奥院本堂之寶前掛這燈籠中畧譽田八幡聖廟再

興之次右大臣豐臣朝臣秀頼公永銷千具萬禍

者也慶長十乙巳十二月吉旦片桐東市正旦元奉

旃云



河内石川郡聖靈院欄干惹寶珠鐫文

河内國石川郡叡福寺御太子堂御再興内大臣豐  
臣朝臣秀賴卿奉鈞命御奉行伊藤左馬頭則長于  
皆慶長八曆癸卯十一月吉祥日



伊豆守山口重信墓碑銘

民部卿法印道春

撰

參陽隱士石川文山 篆額

禮曰、父母全而生之、子全而歸之、是孝也。又曰、戰陣無勇、非孝也。二者不可得兼、捨生而取義者也。元和元年、攝州大坂之役、山口伊豆守重信、與父修理亮重政共副、別將井伊氏之先鋒、到河州、若江邊、五月六日、昧爽、與寇相遇、父子競進、不避來銳、最初合鎗、短兵急接、寇授其首、重信亦戰沒、從者共死、時年僅二十有六、可謂



戰陣者勇乎、嗚呼痛哉、惜哉重信、舍弟但馬守  
弘隆告之、故如是、且蘂裡掩覆之後、立重信碑  
于其死所、其姓多多良、其氏山口、重政娶源雄  
吉女、誕重信于尾州、清洲、慶長二年、重信八歲  
始拜

台德院大相國、因命更小字曰長次郎、以仕  
左右、九年十一月十五日、重信十五歲、隨俗例  
初戎衣祝之也、十四年十二月、命叙從五位  
下、號伊豆守、十五年秋、於上野國賜采地、十八  
年春、重政有故忤旨、潛居武州、入間郡、河越龍

穩寺、重信從焉、十九年冬、聞將有事于大坂、而  
父子欲往、敢死到菅根、關吏不許過焉、乃歸寺、  
重信又改名伴、為高旅、於經東山道、獲赴大坂、  
時業已和平、復東行、還寺、及翌年之戰也、夫如  
是則、與身體不毀傷、全而歸之者、雖以有以贅  
然、戰陣有勇則、不可謂非孝乎、古人求忠臣于  
孝子之門、良哉、嗚呼哀哉、惜哉、其雅號曰傑山  
宗英居士、呼置其小影處、曰大雅、弘隆屬余索  
書其事于石、再三弗措、於是為銘、銘曰

速

吁浪連城

恃險聚兵

義旗一麾



厥角如崩、有一勇士、重信為名、  
先登揮戰、獲劫敵頸、取義惟重、  
投命既輕、伊人雖沒、宛爾如生、

正保四年丁亥五月六日

山口但馬守多多良弘隆建

碑左方戰死臣各名

逆重政重信戰死者  
千野八十郎十八歲 法名茂林紹繁  
長谷川兵左衛門三十一歲 同 賀翁全慶  
水野義大夫十七歲 同 玉峯紹全

碑右方戰功臣各名

從重政重信戰場者  
小坂十大夫蒙疵 後改山口木工左衛門  
寺西十兵衛 後改山口假名如元  
住山三右衛門 後改山口志兵衛  
右三士依軍功重政自漆筆同氏與山口號

前籬銘

奉為河州若江郡

宗英居士碑銘雕石籬

承應三年甲午五月六日



舍矛山口脩前守多、良重恒立  
自碑左方云、以下依古今碑銘類集補錄

河內名所圖會六四

河內國波瀲院古跡碑銘

永井伊賀守家隸  
於井吉通建之

林向陽子

於戲波瀲境近玉畿翠華雲靡白櫻雪飛吟以勸  
醉遊而忘飯在昔為盛中葉式微烟篋野水月鎖  
村扉遺蹤復舊花亦芳菲

寬文元年辛丑十一月

河內名所圖會三銘三記三テ序文ヲ畧ス今以之



河內國礮長山叡福寺聖靈院聖德太子廟

中二十句碑文

廟中有太子自刻碑享保年間模造建廟東

大慈大悲本誓願愍念衆生如一子是故方便從  
西方談生片州興正法我身救世觀世音定惠契  
女大勢至生育我身大悲母西方教主弥陀尊真  
如真實本一體一體現三同一身片域化緣亦已  
盡還皈西方我淨土為度末世諸衆生父母所生  
血肉身遺留勝地此窟窟三骨一窟三尊位過去



七佛法輪處大衆相應功德地一度參詣離惡趣  
決定往生極樂所

河內名所圖會一十八

河內國河合寺碑

服部南郭

河內挾山晁子君采以邦大夫世采其封南河合邑  
邑有河合寺邑名焉記曰古者皇極帝二年勅建  
列朝相繼奉信增脩以至南朝最為崇觀與州之觀  
心金剛兩寺此為三大刹勅旨數奉禱事勝國之亂  
諸閣壞廢大半而其國宣及楠氏所令手書至今藏  
鎮焉晁子之立碑於此為寺觀微乎存乎日否為尚  
楠氏也何以尚之為楠氏遺愛也古者楠氏盡忠乎  
與國正平時南北戰爭數十年矣誠節貫天地知畧  
蓋四海恢復之功雖不成全其子其孫三世志業不



渝實與南朝社稷相終始焉天下後世至于今時莫不感激出涕喜言其事焉是為遺愛也為楠氏遺愛衆矣曷為獨於此河內與泉撰當其時楠氏世守也前此撰有湊川碑泉則未聞焉爾而河內其所基據遺愛尤存金剛千早城趾也何以不碑焉晁子曰吾嘗略行金剛千早一石不存噫蓋竟外爾蓋河合碑則晁子遺愛乎我也遺愛乎我者遺愛乎已也因祖之所遠聞而石乎私土甘棠之遺焉往而不愛以君子之為亦有樂乎此也楠氏之功德天下後世至于今時莫不感激出涕喜言其事焉所見同辭所聞同辭

所傳聞同辭是謂口碑備矣不必具列其事則不獨其遺愛也寺觀雖微乎存後此以楠氏重則楠氏之亦獨遺愛於此也此立石之志也寬保三年秋八月服元喬撰烏石書晁泰亮立



日下貞靖先生墓誌銘 龍州廬名公美

延享二年歲次乙丑冬十一月廿四日。貞靖先生卒。先生諱益胤。字公祿。河內日下人。即日下氏之裔也。蓋其先世稱族若松。為平陵祠官之長。慶長中有盛貞者。當浪華有事之日。從木長州。勲績殆出羣。然有志于山林。乃退居於此。以農為業。更族森氏。實為之。先生七世之祖矣。爾後家世有素封之稱。父太純。娶鄰鄉豪家足立氏之女。生先生。先生為人溫恭謙遜。大量寡言。喜怒不苟。見色人以為有長者風。而又之質直好義。其善人之善。惡人之惡也。皆猶己之有也。



已冠志於學。從鄉人。大戶子者。與聞洙泗之旨。亡何道既通。是時烏山碩夫。以詩鳴于浪華。乃往師事之。而撰著日進。其風裁太彷彿於師。靡有人得而辨焉。事親至孝。其奉生也。夙夜定省。飲膳自視。湯藥是謹。其居喪也。倚廬寢苫。哀毀過禮。嘗為里正。廉潔而有法。寬惠而好施。雅教人以務農節財。養爾父母。敬爾長上。其它多可稱之行。故鄉黨至今尚口焉。不置居恒謂其子弟曰。凡人之為學。孝弟是而已。苟不孝弟也。其餘則不足取焉。其謹厚蓋亦天性哉。春秋六十二。及卒。知與不知。皆為流涕云。越三日。營葬家北來。

照山先生亦配足立氏。生五男三女。一男三女早夭。長子名雄。字世傑。即生駒子也。好學善文辭。才識非常。公美與生駒子交也。一遊其家。頗知先生狀。故臨其建石。令公美誌之。公美不文。胡以足盡先生。雖然公美也。之於生駒子。鶴鶴以視。則亦豈所辭乎。乃作銘曰。於乎善士。靡行不臧。厥澤家自。式及爾鄉。昊天或知。子孫永昌。伏水龍公美子明拜撰。



生駒山人墓銘 并序

龍州廬 名公美

山人姓日下諱文雄字世傑河內日下里人即日下氏  
 之曾也。因自稱鳴鶴陳人家在生駒山足故亦號生  
 駒山人。世以農為業。父貞靖翁娶足立氏生四男山  
 人其長子也。以正德二年壬辰春二月九日生。山人  
 為人儼大志任俠尚氣慕豪士風蚤抱四方之志  
 欲遊事乎諸侯之國而請之於父弗聽焉。乃退潛意  
 于六經研究有年而後九流百家亡不涉獵。然不屑  
 以博洽為人所稱。唯經濟以自任。嘗私淑乎徂徠物  
 子之學好為古文辭詩亦出入于閑天諸子而其著



作日新富有。一時獨步于京畿之間。然山人終身韜  
光山林。見榮利如忘。且雅言曰。人之交也。輕結者亦  
輕絕。不如世之知己者。則不弘交之為優矣。即是所  
以知山人者之少于天下也。不佞公美。偶蒙山人不  
棄。共締刎頸之盟者。十年一日也。又山人欲與公美  
修南朝史。惜哉。屬稿未成之際。倏罹疾。不果。適會父  
喪。哀毀過禮。神色轉不旺。荏苒伏枕。自此廢詩書。拋  
筆硯。而不復顧焉。繼而亡弟某。又喪母。弗數歲而頻  
頻下伊憂。疾亦益病。於是乎移疾于京。于津。醫藥百  
計。而遂不奏效。嗚呼。命也夫。寶曆二年壬申冬十二

月晦日。端然而與歲逝矣。春秋四十一。及卒。知與不  
知。皆惜其大器之不竣。晚成而廢。所著有廷慶史。斷  
數卷。又有詩文集若干卷。名曰生駒山人集。配足立  
氏無子。諸弟親戚。營葬來照山先墳之側。且命公美  
作碑銘。是亦以公美之金蘭于山人故而已。遂不敢  
辭。作銘曰。維嶽降神。生伊碩人。克文克德。以保厥身。  
曷為不壽。於乎蒼旻。社弟伏水龍。公美謹撰。



河内國常光寺勢伊死事碑

元和元年乙卯、伐我高山公并正先鋒、五月五日、駕駐沙、公以步騎五千、營千塚、命明日軍道明寺、越六日昧爽、木村重成長曾我部盛親、增田宗盛等卒兵三萬直向沙、旌旗蔽野、公急出驍騎馳蹂焉、式部及澤田平先登、兵部左近等死之、既而大隊並進、左拒戰八尾帥仁右衛門及氏勝親氏陣亡、右拒戰西郡萱振帥新七郎及玄蕃陣亡、隊騎家從戰沒、各處以羈、及師公子宮內公堵守力闢梅原政武



早戰若江男龜死收銃卒射背敵不堪保久寶  
澤田但大島作等狹擊敗之渡邊勘繼進磯野  
平獲宗盛尾盛親到平野采女用戈干若江彦  
根師遂克重成越七日與毛利勝永軍戰內藏  
及安並等陣亡佐伯權及阪井與落合半岡本  
弥中徑傳最勉晚門黑門連日所獲首級八百  
七十云命築墳常光寺祀忠魂前年戰死  
與焉是後也二帥獻言曰公再蒙重任咸  
命為帥不以死奉賊无在諸侯矣嗟行與言符  
彼利祿之徒奚知忠肝義膽迨百五十年宗國

膺社實其力也三室遠孫相謀建碣君侯賜  
篆額附銀千兩于寺永充歲祀以銘屬高文銘  
曰

趙趙武夫	同心同德	人皆股肱
僣倪執職	厥將愛君	厥士愛將
首離不僵	誠勇且壯	以死當衝
軍之善謀	中原抵平	宗祀享休
撫東河西	常光之園	刻名茲石
萬世永存		

寶曆十四年歲次甲申夏五



仁右衛門七世孫滕堂高景  
新七郎五世孫 滕堂良躬 建  
玄蕃七世孫 滕堂良演  
洞津 滕堂高文 撰  
弘二兵衛六世孫桑名一直  
勘解由七世孫 滕堂氏勝 助工

忠貫日月、義凌秋霜、  
嗚呼勇士、今也則亡、  
津城公錄

傳長老碑陰偈



河內國道明尼寺管公廟碑

內大臣正二位源朝臣前豐卿銘

平安江州綬拜撰

河曲合離謹書并篆額

丹比北山彰恭建

贈太政大臣正一位管原公奕葉名德登庸一時播笏三台儀型百司其忠誠溫克徽猷偉範所不必論也輔理贊化之暇能以斯文師表于百世而蒼蠅之玷西帆不返於是天怒人怨象緯錯行雷霆激變乃輒發金滕之悔馳玉節之



使追贈褒恤之典、建廟致祭之議、靡弗崇厚、隆重焉、而後公在天之靈、終和且平、報以介福、上為國家之金湯、下為黎庶之甘霖、日月以維新矣、然則不特公之孫子後裔及在朝、在野、儒術之藝之士、追慕景仰、而寰區男女、無貴無賤、災殃冤苦、凡有求必祭禱焉、蓋公之精誠、能感動天地、而人之欽戴、公也、亦復出于至誠、至信、以故神感靈應、影響于古今、世之所傳、不可誣也、公之祠廟、京之北野、筑之宰府、亡論耳、其他郡邑、無有不祠、其或公之

在時、輪蹄所歷、警效所存、必祠祭之、以表甘棠屋烏之敬愛、而河內州土師邑道明尼寺中所祠祭、最有緣由云、公之鼻祖野見、宿禰、仕朝、賜邑土師、遂姓土師氏、聖德太子創尼寺於本州也、公之遠祖土師八島、捨地造寺、曰名土師寺、後改今名、於是土師氏世稱檀越、土師氏後姓菅原有尼覺、壽住寺於公為姨、以故公歲時存問、且愛寺境清寂、留或旬餘、賦詩詠歌、其詳載在寺記、其西遷倉皇、猶且請于朝、而來告別、留宿、依依繾綣、弗忍去也、雞鳴歌可



微焉夫惟公之昭明精爽洋洋乎寰區來享  
于各處所祠祭亦猶日月之明方竅圓隙靡弗  
透射其將奚疑雖然以私測之豈莫差次乎今  
以地則鼻祖所受以寺則遠祖所造以親則  
公之姨住持以境則公愛其清寂詩之歌之  
留或自餘是以公之遺愛寶劍寶鏡石帶象  
笏其他手澤所存襲藏至今不啻甘棠屋烏也  
由是言之景仰公之威靈於千載之下者捨  
此安適抑道明尼寺肇造也距今千有二百年  
女僧相承多出干簪纓華族而寺法清肅戒律

堅固人無間言此其雖日垂統得宜保守有人  
要之公在天之靈保護之於冥冥中者非耶  
本州一屋村北山彰好學無二夢寐斯文仰慕  
公之學德且以地境隣近故拜趨最謹焉乃欲  
請言於綬鑄石以傳不朽而會內大臣源公  
聞其舉親製銘賜之焉彰字元章本姓橘氏楠  
公之胤與綬誼在久要顧綬未學謗劣曷足記  
公之明德亦唯閤寺記所載錯綜成編以應其  
求云

銘曰



惟岳降靈	大闡儒風	懿行可摸	惟誠惟忠
五教戶到	文化日隆	台曜變和	萬物斯從
夷險一塗	天鑒豈空	封祠千載	比德青松
神威如在	拜趨仰宗		

安永四年歲次乙未十二月六日

南水誌卷四 十六

楠公首冢石柵銘

橘成位

傳聞正成教訓子弟眷屬謂曰溥天之下莫非王土率土之濱莫非王臣爾况所補三州之守誠莫大之君恩也不如一節以死報國於聊不忠之輩不可為我子弟于茲家族守訓言專忠貞而不變至今四百有餘歲美名存乎不肖流孫衣敝緼袍與衣狐貉者立而不耻思惟先祖之餘光矣哉故鑄墉以垂永久寬政五癸丑歲仲春吉旦橘成位欽書

河內名所



觀心寺楠公首墓碑

筱崎弼

河內觀心寺有故河攝泉守贈正三位左近衛中將楠公之首墓寺在金剛山北麓地僻境濶距公鄉水分一里餘公家功德院在焉公之出討賊也每託家人於寺云所以葬于此也按史載延元元年六月足利尊氏遣人送公首於河內誘其族脩舊好和田正遠恩地滿三等不許勵衆守備長子正行悲泣將自殺母氏諭以大義而止遂復致身王事與賊相抗累葉忠貞保護三朝五十餘年可謂古今無比矣夫公之軍功忠烈天下所共知不復待言獨以皇統之并



於北人憚稱公之忠數百年間迨褒茂聞至元祿辛  
未西山水戶公始立石于湊川戰沒之地題曰嗚呼  
忠臣蓋以朝廷無贈謚之典姑用孔子弔吳札之例  
也然其所修大日本史詳論神器之授受而天下翕  
然知皇統非可以南北岐無復異議而此墓猶埋沒  
空山古寺中松杉蕭然人多未知之非可恨哉頃者  
近地之人某等謀碑以表之屬文於予予謂古之名  
將軍功忠烈與公相肖似者獨宋代岳鄂王為然王  
誣死未幾孝宗賜謚忠武廢知果院為之祠經元至  
明世厚祭典至於並祀其子孫及部曲有忠孝祠有

翊忠祠今國家治教休明廢典漸舉此地及湊川祠  
典之興有如西湖岳廟之盛也可期矣故弼雖非其  
人略書其概授土人使勒而建之於寺他年祠成之  
日其必有任大手筆者矣

山竹齋  
文稿



南木祠碑陰記

齋藤拙堂

忠臣義士之出，譬如麟鳳之瑞，宜人人欲識其所出也。楠  
中將之生於皇國，實爲儀鳳祥麟，然世人徒識其授命之  
處，而或不知其降誕之地，可耶？中將降誕之地，在河內國  
石川郡水分子側，中將既死，湊川祀以爲神，以水分爲楠  
氏土地神，建祠於社之域內，建號曰南木大明神，蓋出於  
後醍醐帝之勅旨，其地今屬若狹守石川侯之封，今茲侯  
准臣民之請，建碑於祠前，手書請寡君伊賀中將題署碑  
面，曰楠中將降誕之地，又徵諫文爲之記，謙嘗歷覽畿內  
名勝，至湊川謁中將墓，因憶建武之難，中將之謀不被用。



去險要就平原以少衆當賊之大軍力不支授命於川上  
南風遂不競爲之歔歔涕泣心中作惡者累日反至河內  
過金剛山下因憶元弘之亂中將擧兵據此麓以孤城抗  
天下之兵數出奇計撓之使賊不敢過此而北義軍因得  
以成功今望山色鬱々蒼々高聳雲外中將遺烈猶有存  
者意甚快之破涕爲笑而去抑元弘之舉以簪纓換介冑  
雪列聖之辱而洩烈士之憤王室中興天下改觀是數百  
年來所絕無而屢有雖其業不終而一旦克復之功可以  
跨周宣王而侔漢光武抑亦偉矣而中將之力實居多至  
乎論功誰出其右哉且中將之降誕亦爲此山下其地與

赤阪千劍破咫尺相望而中將成功於其間則此山猶如  
崧高之降申甫以佐周宣之業實爲中興名蹟忠臣靈蹤  
過者孰不感歎而仰慕可無一碑表之哉侯准臣民之請  
寡君許侯之囑亦宜矣而謙之公庶預撰文之任豈非多  
幸歟乃謹書其由係以頌曰

金剛維嶽靈淑氣鍾其神降止篤生楠公帝之夢卜獲此  
非熊公之召對比彼隆中世推智勇千古英雄士化純德  
一門精忠中流底柱百萬環攻出奇不屈應變無窮狂瀾  
既倒障之使東頽日將沒麾之當空民歌復旦人知朝宗  
中興翼運赫赫厥功



河内國交野神社碑

而隱也者，顯之本，即所以未必可相無者也。去之渺邈，一盛一衰，人之居世，一隱一顯，豈啻人去耳哉？神之亟隱，亦猶不得無與廢矣。詩曰：神之格思，不可度思，矧可射思。神之隱，得人纔顯者，如斯也。吾河内州一宮，神祠奉祀，進雄神云，蓋延喜式所謂交野神社是也。替之古昔，每歲仲春，天子必召本祠祝於京師，使卿大夫薦往，鑿昔之顯，如斯矣。及其罹災，而廊堂門牆



悉消滅於灰沙、無有一遺漏焉、所餘者唯  
基礎而已、其隱也久矣、至天正之際、而顯  
之時又至矣、大府大夫一旦相議曰、神祠  
之所、枉則浪華、之東北隅、為所謂鬼門、是  
固宜置巨社、以遏不祥也、且其基礎、令猶  
枉焉、豈其可不再修乎哉、議成、於是乎大  
鳩人徒、博募良工、大匠庶民、雲集子來、慶  
長七年、土木之事始畢、其西室置相國管  
公之主、蓋大府之所嘗尊崇云、案盛之供  
歲九千斛、以壯其祠、以使大小祝等各有

食焉、豈帝往昔之比乎哉、案之記傳、文祿  
之後、案盛之田、始降為附庸之采地、今猶  
旁隣九邨之護社、然歷年之久、不得不亦  
廢壞荒蕪焉、其又隱也、有年於茲、  
寬政八年春、本祠祝吾族子木現、謀於九  
邨之農民、與補廢壞、葺理荒蕪、而後稱、僅  
復舊、雖未能及往昔之顯、亦不可謂之隱  
也、先是附庸大夫相議曰、往昔之顯、固非  
今之所可得望也、雖然、祠之所、枉寔浪華  
東北、則神之所鎮護、何有分於古今乎、之



昔之人尊而再修之、今之人不然、繼修則  
是外浪華者、而不知神之所以護者也、其  
可不尊崇修治乎、庶幾所以<sup>遇</sup>不祥之微  
在意<sup>在</sup>斯矣、議又成、唯以九邨之人非多、而  
修飾之費非少、故至今日而後始有此奉  
嗚呼、夫一隱一顯、未必可相無、而隱之時  
常多、顯之時常少、乃世人多無知有此祠  
焉、故今此記、語其舊、使不知者、益知尊崇  
之有所因也、神之靈、能蔭庠旁隣、而九邨  
之民、戴其耿光、春秋祭祀、不懈怠、則歛勒

之薦、田圃之供、廢猶不廢也、神之靈、其焉  
不降福乎哉、其焉不降福乎哉、銘曰、  
一宮神祠、人之所知、名與松喬、德寺竹滋、  
隱而不愠、顯而益怡、龍蛇維伏、雷霆維隨、  
雨能降穀、水不齧涯、既鎮浪華、永護  
京師、經營不怠、補修必時、記以鐫石、無窮  
之貽

寬政丁巳之春

從四位下行式部權大輔兼大內記管原朝臣長親篆額

前祠祝岡田臯 并撰



伏見岡田宗興 建  
江戸海保皋鶴 謹書

河内名所圖會二七

河内國平石城碑 菅原長親

河内州石川郡平石有廢城在昔橘茂吉  
所據茂吉嘗有功爲河内守卒贈正四位  
上數世至茂直任左衛門尉元弘之役  
南帝戰不利及笠置城陷楠正成與親王  
護良俱奉 帝召據此城平高時乃移兵  
來攻茂直帥其族禦之殊死戰者七日七  
夜高時知其不可克於是夜放火燒外城  
鼓噪衆之城擾亂士卒相壓茂直猶勵  
餘卒自若不動使正成護 帝避焉翌日



城終陷、茂直自殺。帝聞之、嘆惜、追贈以正四位上、時男茂幸尚幼、其妻抱呂道、今所傳、光明后繡佛古鏡、及劍、皆其遺物也。茂幸既長、來見其荒廢、不堪悲惋、認帝座之跡、植之曰松、存舊也。茂幸官為左馬丞、其後雖微、瓜瓞綿綿、至今不斷、遠裔二人、曰吉房、曰正大、亦善士也。往歲聞故少納言、平時名善、國風來而學焉、時名一日從客語之、曰顯揚祖德、孝孫之職也。我聞乃祖誠忠死節、益勤諸貞石乎、二人

戚戚焉、即請作銘、未成而敗名卒矣、今茲季春、因知友請予代之、予雖不肖、辱銓衡之職、豈可不成其美乎、日記其概、係之臣銘、銘曰

平石之隍

淵淵其淵

勤王之役

角予其翮

南風不競

崇墉斯顛

命為國徇

身為君指

窘哉國步

碑

雄志不宣

佛矣天定

令名永傳

寬政十二年歲次庚申春三月二十有五日  
從四位上行式部權大輔菅原朝臣長親撰并書



阿闍梨真興碑

大典和尚

凡人之所以競功利張聲譽烜赫於一世斯須  
 變遷終皈窳落之境者比之皆然是吾道所以  
 察乎缺減而趣乎泥洹也何平岩氏之昔盛而  
 衰今衰也方其盛位祿並進割據壯鉅又為善成  
 寺大檀越我以財施彼以法施因緣之厚固非  
 泛常善成寺弘法大師所開覺鉸上人所經營  
 山名寶珠鬱為一方靈場而與平岩城相隣乃  
 師有若上網法師自其家出焉師名真興字洞輝  
 贈三位橘朝臣某之子母稱侍從辨以兼平四



年甲午正月朔、謨師于平岩之城、十二剝染、十六受戒、初從興福仲等、究法相之旨、後在善成寺、蒙荒神之靈示、受密法、遂吉野仁賀傳真言之祕決、顯密兼綜、為一代翹楚、永觀元年癸未十一月二日、於善成寺入壇灌頂、登阿闍梨位、一條天皇不豫、勅師修法、有驗、因賜弘法大師將來兩部大曼陀羅二幅、並大般若經六百卷、長保五年任維摩講師位、寬弘元年甲辰正月、任小權少僧都、奉勅修取勝會講、已歸于子島、至十月十四日示寂、年七十有一、一說師上生都率

曰內院、今子島有名天上松者、師嘗有誓詞、曰不生不滅、不離此土、未來劫海利益衆生、子島在大和之高市、寺號觀覺寺、有自作像、于今存焉、興福寺勸善院亦存師祀、而密法兼焉、又高野南院有師画像、而南院泊壺坂山安部山、皆傳師之密法、謂之子島一流、元弘辛未、平岩敗于鎌倉之兵、族類離散、終不復振、子孫旋斂、茲土綿延至今、當時事實遺趾、猶歷々可數、有家譜十數卷、皆實錄也、至於善成寺因緣之厚、其所紀載、亦歷々可見、平岩氏世為邑宰、頗豪富、不



失故業是其雖衰未衰、豈積善之所感、非所謂  
吾道之所陰翊者乎、今吉房欲於寺中築上綱  
大傳之塔、請銘于余、其不忘本、是可銘也、如師  
之傳著于元亨釋書、此不復贅、而及其遺佚已、  
銘曰、

猗歎大德	窮相明理	續緒先宗	親觀慈氏
啓迪後進	面現都史	唯識觀成	降伏魔魅
符吉野高野	深探祕府	有顯有密	如戴角虎
子鳥一流	輝騰今古	善成遺蹤	利益是怙
祐疑祐天倫所系	建斯率堵	真俗兩融	永受皇祐

寬政十二年庚申五月穀旦

前南禪見相國顯常謹識  
平石吉房建之



河内四條畷楠公正行墓碑

大典和尚

嗚乎是為楠公正行之墳云。方元應天皇出居芳  
 野也。足利氏立。延元天皇而奉之。於是南北朝分  
 北強南弱。諸為南者多叛而歸北。其為南終始不渝  
 者。獨稱新田與楠氏。而新田與足利有隙。實為亂階。  
 是其為南不足稱也。已。楠中將初奉詔。笠置首舉義  
 兵。據孤城。却天下之敵。其功烈。蓋居第一。與義貞尊  
 氏。以私忿。與勤王之師者異矣。及尊氏自西海來。寇  
 中將有策不用。卒戰死。兵庫之湊川矣。公時年十三。



從至櫻井驛。中將以 天皇所嘗賜菊水刀與公。叮  
嚀遺誡。使歸河內。撫親族殘黨。待年之壯。致身王事。  
已而尊氏送中將首。公哀慟。欲自裁。毋苦厄之。及長  
仕。歷二朝。官至檢非違使。左衛門尉。兼河內守。智勇  
不減父。數出兵破敵。尊氏病之。遣高師直帥兵  
八萬伐之。公與弟正時。族正朝等一百四十三人。同  
盟誓神自決。直詣行宮。奏言先臣正成臨末也。屬臣  
以討賊綏國之事。臣雖幼。銘於心矣。恒恐終不得效  
尺寸。而一旦病而就木也。今賊率大軍來寇。於是不  
能自決。致命則上以失忠。下以失孝。此行也不能職。

敵則臣請殲焉。幸一拜天顏而訣。言與泣下。帝親  
諭曰。爾朕之股肱。其可失乎。可進而進。可退而退。慎  
勿自輕。辭出。謁 先帝陵。過如意輪塔。同盟各以鐫  
勒名於殿扉。未紀倭歌一首。又皆薙髮。投于殿內。眦  
自決也。已而二高率大軍至。陣于伊駒。飯盛外山。四  
條。暇而公兵僅三千。詔使中納言藤隆資援之。其兵  
三千。汎聚野。伏輩蹄二萬。為向飯盛山勢。公則由四  
條。暇而進。直衝中軍。固決死奮戰。一莫不當百。殺傷  
太多。至馬創不可乘。則又步而前。縱橫衝突。其心一  
欲獲師直。師直在後軍自衛。及幾逼上山。高元裝師



直服自號師直戰死以紓師直而師直終不獲也自  
辰至申連戰崩敵陣無數我軍亦死亡殆盡於是聚  
殘率負楯佯奔以誘師直師直不親使裨將追之公  
回戰所斬五十餘人餘兵敗走又逼師直逼使射手  
射之矢如蘆亂然甲冑以著體久稍輟中莫不貫而  
集於公身者五它將士皆創莫能與公忽呼曰事畢  
矣莫為賊所獲與正時交刺而斃宗族同盟並自殺  
反其他士卒一莫生而支云實正平四年正月五日也  
子公年二十六有子多門九先天正時弟正儀仕有功  
名世稱楠氏三代其事實載在史傳茲不枚舉余嘗

嘆以為使先帝用中將之策則無涇川之敗中原  
亦不失守也使公從後帝之詔可退而退則身不  
喪而王室亦賴以存焉之二者豈非天哉抑公之明  
知皇綱之終不振不忍徒長逝於枕席之上耶其志  
誠可悲也唯是凜凜忠烈昭于千載而不泯矣公之  
墓在河內之六鄉乃為戰場跡蓋為南朝者封之且  
恐有所祈焉其兆方十有餘步四陲疊石頗高在田  
畝之際蔚然尚存中有一楠樹老且大前立一碣所  
刻刊滅一不可識曾篤字士厚河內人頃與有志也  
者相謀欲立公之碑也圖不朽請余銘之余雖方外



嘉其名實。略叙其狀。系以銘曰。  
身輕鴻毛。名重泰山。功泯志立。維石永堅。

南木誌卷四十六

正四位下檢非違使兼河內守楠公碑

村瀨之熙

公諱正行、稱帶刀左衛門尉、世居河內金剛山西、舍傍多楠樹、因以為族、其先出於左大臣橘諸兄、父贈正三位左近衛中將諱正成、有三子、公其長也、叙正四位下、為檢非違使、兼河內守、弟曰正時、曰正儀、延元元年、足利尊氏西奔、群雄蟻附、其弟再熾、將東犯關、新田義貞拒之、兵庫帝使中將授之、中將奏曰、賊收九州醜虜、其勢必猖獗、戎兵疲沓、眾寡難敵、宜速召義貞、護車駕以幸叡山、縱賊入京師、臣還河內募



畿將兵以絕賊糧道前後夾擊之一舉可殲矣臣願  
陛下熟計之帝弗從中將知事不可為率五百騎至  
櫻井驛以所賜寶刀授公遣還河內時公年甫十一  
已而王師敗績中將力戰沒于湊川尊氏遂入京師  
紹帝幽于花山故宫八月帝潛行幸賀名生公及從  
弟正朝等與四方勤王師警衛至吉野行宮四年八  
月十六日天皇崩公以二千餘騎宿衛十月皇子即  
位是為後村上天皇正平二年公年二十二以五百  
騎掠略于住吉天王寺民舍以挑北軍九月尊氏遣  
細川顯氏率兵三千入寇顯氏聞公將伐八尾城距

金剛山七里而舍以欲襲其虛公探聽之率兵七百  
陽為向矢尾所在放火潛還埋伏于譽田林顯氏望  
矢尾煙以為公果在彼徑馳赴金剛山比過譽田林  
伏兵發顯氏軍大敗退保天王寺十一月山名時氏  
率兵六千屯于住吉以授顯氏公以為乘其部者未  
定破之則天王寺兵不攻而退矣乃分兵二千為五  
隊放火民舍而進望見敵陣四處而兵倍蓰于我以  
為不利分勢復併為一隊戰于瓜生野大敗之遂北  
至天王寺顯氏兵亦潰奔至渡邊橋弱者無算時氏  
被創僅以身免公拯溺凡五百人給衣與藥視養數



日、授鎧及馬而遣之。于是感公惠降者頗恤。已而公聞尊氏遣高師直師泰將兵八萬人寇與正時正朝等百四十餘人軟神水誓殉國難。十二月二十七日朝吉野行宮。奏曰：曩者先臣正成奉勅夷逆賊，凶何賊徒復西起，終致命于湊川。時臣年尚幼，遺言令還曰：汝保汝族，合汝黨待年長，以刷國家之耻，報父兄之讎。今者臣年已長，每懼以有待之身，一旦遭不測之患，則上為不忠之臣，下為不孝之子焉。今賊悉眾入寇，此臣報效之秋矣。獲賊首與授臣首於賊寔在此一戰矣。伏願一拜天顏而行，言畢泣下。帝親臨口

于勅曰：汝累世之勲，再捷之勳，朕太嘉之。汝維朕之守城，國家安危實在汝身。頃者聞賊徒復大興，事體至難。汝宜慎重，朕聞之宜進而進，不失其時，宜退而退，可以保後。汝深汝謀，遠汝慮，以體朕心哉。公頓首而退，率眾謁先皇廟，誓言曰：戰如不利，有死靡他。叩鐔而出，題姓名於如意輪堂壁，書和歌於其後，以述志。詞曰：阿鋹沙逾弥，非基加悅沙時妬。沃麼普欲利那基加聚你伊縷那，咀徂妬度燒縷各剪鬢，投佛殿而行。三年正月三日，師直入河內，分兵六萬為四軍，布陣于伊駒山南，于飯盛山，于外山，及四條畷，自勒



親兵二萬在其後，公兵三千，由四條畷而進。中納言藤原隆資奉詔率援軍，向飯盛山扼敵。敵見公之先鋒已逼，師直軍遽分兵拒戰。前軍擊破之，後軍在四條畷戰方酣，飯盛伊駒之賊乘其罷弊，前後奄至。後軍遂敗，公不顧，親率敢死士三百人直前擊師直軍，大敗之。自顧從兵失三之一，馬皆破，數箭乃下馬踞壘坐食。食畢復戰，戰益勵，遂與師直相拒數十步。上山高元見事急，被高氏甲冑，自稱師直，冒陣戰死。公提其首，大喜，擲空者一再，既而知其偽，投地而蹴，且罵曰：汝高元耶！汝亦一逆賊耳！然其勇可稱矣。乃自

斷衣袖裹其首，置于壘上。此日自卯至申，凡三十餘戰，斬獲數百十人，吾軍死亡略盡，殘兵僅五十餘人。望師直旗幟，將復追之。正朝曰：彼騎我步，恐不相及。我佯走，則彼必來追，可以獲師直矣。衆乃負楯而走。師直覺其計，遣奇兵三百躡後。公還戰，斬首五十餘級。復前逼師直軍，而公兄弟身中數箭，殘兵皆被重創。公曰：事畢于此矣，莫為賊所獲。乃與正時交刺而死。年二十三。從者皆自殺。宗族二十三人，將兵九百四十三人，悉戰沒。從弟賢秀，驍勇善使尖眉刀，獨雜賊中，狙師直相距且數步，楠氏部下，有湯淺太郎左



衛門者嚮叛屬師直麾下視賢秀從後斫其膝踣而  
斬之賢秀怒視湯淺眼光如炬死而不瞑自後湯淺  
見賢秀嘆目向已七日斃矣公嘗朝吉野遇師直竊  
騙奪辨內侍使迎之悉斬其從卒送內侍而還宮帝  
嘉之賜內侍公固辭不肯奉詔因賦和歌曰都底麼  
欲你那迦郎烏別苦麼阿郎奴彌釋加利釋知祇利  
嗚伊加弟媿須泊吼子多門丸先卒余嘗遊河內過  
四條暇吊公昆弟正命之所蓋在讚良郡甲可南荊  
屋村東而無一碑存焉吾恐後世湮沒莫所徵之深  
以爲憾矣今茲丁卯欽風慕義者若干人相與謀建

石請余記其事

文化四年三月

銘考亭文集。有



河内志

楠正行 楠正行 正成 曹子延元元年受父遺命於櫻井邑

死於本國討賊為任正平三年戊子正月五日戰

楠正行墓 在甲子前屋邑正平四年正月

四條 在死於此後建石標為村正平四

家源秀共此 戰於此 年正月六日楠正行正和正高

兵決戰於此 年正月六日楠正行正和正高



南朝忠臣姓未附首

楠正行墳

河州讚良郡苧屋村ノ東ニアリ正平四年正月五日高師直カ  
六萬餘騎ト楠主從僅三十餘人ニテ四條繩手ニ戦ヒ討死セシ  
地ナリ後人塚上ニ楠ヲ植テ傍ニ石ヲタテ南無權現ト鐫ス  
案スルニ正行ノ文字ナキハ尊氏將軍ノ教タル故ニ姓名ヲ忌ミシト  
見エタリ南ノ字ハ楠ヲ表シタル者ナランカ



讀史雜詠卷下 九丁

小楠公正行

青山延壽

正行嘗朝吉野路，遭高師直誘宮女，遣卒迎之。正  
 行奪還，以聞。後村上帝即賜之。正行辭以歌。  
 乃公百代人，神功排冥濛。小公英且勇，不墜乃公忠。  
 馬革常在懷，恐先朝露終。葬英雄，不戀公腸鍊石同。  
 歌詠表宿志，芋綿有古風。滋雨亂萑蒲，老眼奈朦朧。  
 誰知源三位，輸此小楠公。



高屋城地碑

河一行內古市郡高屋城者自應永中畠山義深始築之  
 至此四百二行有餘歲遺壁殘堊尚可以見英雄割據也  
 當此縣尹岸本君三行所謂河上神明宰思近慮遠仁政  
 不可勝數頃者亦將濬其城池以湛綠水以應赤地  
 之變其令勿亟庶民子未不日成之嗚乎昔則以血  
 流殺人為功今也以思活波民為績真太平之化哉  
 因欲勒其舉於石以傳君德德于不朽予代里老而  
 援筆銘曰百丈之岨有千載松氏休其蔭蟠根如鼉  
 文政十年丁亥秋九月

浪華 旭道一撰

明治十八年九月廿九日寫



堺浦 朴堂 書

西国三十三所名所圖會卷五 二十一

高屋古城 安閑帝ノ陵ノ北ニツク、東西四十八間、南北二十一間、  
堰址ニ石像ノ不動明王ヲ安置ス。當城ハ畠山尾張守義深  
當國ヲ領シ應永年中初メテ築ク所ナリ、其後家臣遊佐  
安見才澤等ヲ守護代トス。元龜中三方方コニ付城ヲ築キ、  
織田ノ援兵戦フコトアリ、天正中畠山尾張守高政コニ居城  
シ、松永久秀ニカラテ戮スガ故ニ織田信長志貴山ノ松永久秀ヲ  
亡ホス片、高政モマク共ニ亡ト云、右ノ石不動尊安置ノ地  
ヨリ、凡一町餘ヲタハラノ丘中ノ林中ニ高屋ノ城ノ碑アリ云々、



家原寺行基菩薩碑

梁田蛻巖

家原寺在泉州大烏郡神野莊實行基菩薩所降誕處謹攷續日本紀云時人號曰行基菩薩元亨釋書云天平二十一年賜行基號大菩薩蓋闔國人咸菩薩焉而後天子菩薩焉二史各可徵也夫佛菩薩之降誕乎世也必有一大因緣而其旨淵闕悠久靡知之倪下士笑中士疑雖賢知而有不可思議者矣是以天地神鬼必顯聖呈瑞於歆初使天下後世咸仰光輝而弗已乎爾卽論其極莫釋迦文佛若也滅度後千五百年得豐聰皇子於吾日東國史攷載

和泉



吉兆異相炳如也。果能興禮樂安民人，又能通內典精玄義，闡竺教於東方，與吾神儒奉天經世之道，並行而不相悖，其真洋洋乎。至今不衰，距皇子五十年矣。而顯聖呈瑞於厥初，以弘佛乘輔皇化者，舍基公其誰也。其傳曰：基公父高志貞，知泉州大烏郡人。其系出自百濟國王仁蓋，漢高祖之裔云。母蜂田氏。及以天智帝七年戊辰生。及其生，胞衣裹纏，母忌之。不欲父知，盛諸罌，懸宅西樹。旦日會役，小角過其門，聞樹上有誦大佛頂呪，異而視之，有赤子出，胞能言，乃收以授二親。父母大奇之，命幼名曰法奇。十五祝

髮從新羅慧基師，通瑜伽唯識，更名行基。二十四受具足戒於德光師，智證益進。文武帝慶雲改元甲辰，公年三十七，學成而反，追慕考妣，以其宅為精舍，居焉。乃家原寺也。公恒自謂菩薩之行，一以利物為要。其所至，必事化度，緇素男女依戀，而從者以千數。所過每有巖嶮，輒繕道架橋，又相地可墾，水可漑，使土人辟萊鑿渠，不日而成。州郡頗賴之。聖武帝特敬重之，任大僧正。又以其嫻于民事，詔檢六十六國田步之數。初，孝德帝時，定民戶田步，而其法未備。至蒙叻兼并，貧人困飢，公乃主田法，分上中下，制量出



入穀必謹用衣服飲食各有差云顧古今間苾芻宮  
栖谷飲蛻行濁而特立者不爲不尊矣而基公以俗  
諦爲真諦出世而不外世視民瘼如己博施無倦色  
雨暘時若麥禾弗秕寡婦利滯穗老農謳帝力仁澤  
之攸覃也周矣嗟乎菩薩哉菩薩哉基公寂迄今茲  
延享戊辰一十年會久藏院常明主管本刹乃鳩其  
徒修忌齋退而慨然嘆曰昔基公自爲記鑄諸銅碑  
今則亡矣嘗圖繼焉而未能也後聞邦美儒者而崇  
能仁氏之教因春日寺大幻請爲文夫基菩薩古佛  
也家原寺靈蹟也不朽之任亦唯浮屠之善文辭之

宜而使吾儕尸之毋乃不可乎雖然浮屠讚歎浮屠  
事固也儒者讚歎浮屠事亦或一道也方今海內學  
士大夫其志果有欲壑辟灌溉以佚道使民如基公  
者否有欲括戶口正經界訓節儉以子黔庶如基公  
者否世儒率以闢異爲務而不知菩薩身卽宰官身  
及其至也有與吾神儒奉天經世之道並行而不相  
悖者存焉爾是不可以不表章而讚歎也於是乎恭  
紀其實而申之以頌又以讚歎其土之與惠相得而  
有成也詞曰

寓聖胎必觀土眷畿甸爰奠宇一乘山七靈府千佛



授百神護歆象何肖獸王口維沼古維梁窟闢竅爛  
目光焯蒙茸劓髯揚曼珠徠普賢臨月炤潭雲歸岑  
感罔極初布金輪奐完鬱祇林迨中葉罹兵燹塞而  
亨卷而展赫興正爲之雋法上人繼厥善喬木古遺  
踪尊流泉响靈呱存權慈筏鑰玄門畢慧旭煦法孫

泉州大神谷池田處士墓銘并記

龍州廬名公美

處士名恭一名正庸字子敬其姓源出自江之左左  
貴定綱四世孫美作守賴基賴基稱族池田氏其十  
一世裔曰池田新三郎豐雄仕織田右府平公信長  
及右府亡豐雄子宗重避蹤移住于泉之大身縣大  
神谷鄉田中邨邨中有大農西邨某以宗重子養於  
是乎冒西邨氏遂爲泉之始祖云自宗重至五世之  
后正章世爲里正正章娶渡部氏生處士實實永三  
年丙戌九月十四日也處士幼而聰慧從鄉先生受



句讀一再成誦。成童能書。計兼武藝。好馳馬。試劍。厥法則學之淺。井榮直。殫得其妙焉。乃翁老。薛里正。處士嗣代之。視事廉平。不苟。接下以愛。慧鄉人以善人稱焉。元祿中。家罹池魚之災。所藏圖籍一為烏有矣。於是乎處士乃百方搜索。手錄邨里故事及田野山澤事。細故弗遺。著為家乘。故厥鄰鄉二三十里間。溝洫區町。無不諳記焉。居恒勤儉務農。日課子弟。教以孝悌。力田事。諄諄諭之。無負覆載生成之恩。繇是邨里亡賴子。改節者夥矣。封君伯太侯。避處士之為人。舉為鄉士。許佩雙刀。先是更復池田氏。稱甚大夫處。

士自弱冠好學。孜孜讀書。研究有年矣。殊尸祝祖來物子之學。多所發明。又愛國朝之文辭。而其所自著。折衷之于勢源二語云。事親能孝。居喪能哀。宗族歎焉。鄉黨稱焉。其性方正而謹嚴。或與人談笑之間。未嘗言聲色財利之事。殆有儼然君子之風。年五十七。告老而辭職。而後閉戶。注意經史。不為它事。累今茲秋。罹疾。荏苒弗起。自以為命也。乃取平素所著詩文稿。皆火焉。其臨終猶能善言。以誡子姪。明和九年壬辰秋九月七日。溘然而終。享年六十有七。知與不知。無不哀惜焉。葬于鄉之鉸峯。配小谷氏。生二男一女。



先死。長男正鄰。今現嗣業。次男與女子並大。使配之。  
妹氏為繼室。生五男二女。久通。正有。正喬。正祀。正勝。  
久通出贅。稻葉氏。宦于伯太侯。正有。正喬。正祀。皆大。  
正勝在于家。一女則為尼。一女則未嫁云。公美初未  
識處士。今茲仲冬某日。嗣子正鄰。攜其友木公鼻之  
所狀行實。故來而請公美以銘記於其墓碣。公美不  
佞。雖無史才。之以文厥人乎。而有感於不遠千里而  
特來之孝誠。故敢應其請。乃據狀以記。且銘焉。銘曰。  
猗與善士。靡行弗休。克文克武。匹之郡州。日課子弟。  
咸獲厥猷。斯銘貞砥。千古曷朽。明和九年仲冬望。淡

海文學伏水龍公美子玉撰併書。



節齋先生墓誌

中井竹山名積善

先生諱高豐字子庸一字時中、梅伴介、節齋其  
 別號、姓垣内氏、考諱孝道、母桂氏、世仕久世、  
 其別色在泉者、考為之宰、挈家而往、先生為人  
 溫厚質直、弱冠就泉人受洛關之學、旁好詞賦、  
 又善弓矛之技、考卒、嗣其職、既而還本藩、關宿  
 帥帥積功勞、累遷頭職、及為大阪府府帥、進任公用  
 人、帥臺機務、莫不與焉、上下倚賴、其生享保四  
 年、己亥九月九日、其卒、安永五年丙申九月廿  
 四日、年五十八、娶上田氏、生二男三女、長男孝



女先夫次男高敬承後二女皆適士人以遺命  
葬泉之某郡小阪邑了源寺先塋次

北禪遺草卷六十分

北海先生片君墓碣銘

大典和尚

君諱猷字孝秩姓片山修為片氏越後新瀉人故以  
北海號家世為農父默翁母三村氏蚤亡君生岐嶷  
聰敏比十歲族人某授以四書不二旬便通無誤句  
讀皆以為不凡使為書生而僻區無師友之資年十  
八遊學于京心無所可獨慕字士新先生之業而從  
之先生亦器之使侍側未幾先生歿矣君益落莫無  
聊父亦挈家來就朝夕殆不給君辛勤克奉其驩學  
亦日進浪華有一二遊字先生之門者因以招君遂  
占居浪華父亦因以終焉君為人閑靖寡欲不與世



競未嘗以表襮措心。然內充而外著。名日藉甚。海內知字先生之業者。莫不知君。以故行束脩以上者。比比不絕。性好音樂。善笛。其伎蓋不下伶官云。又嗜茶事。有雅澹之賞。君既閑靖。無意乎當世。然至於論經濟權古今辦事當否。未嘗不察察中肯綮焉。其與人交似簡澗。方其有故也。未嘗不輪誠而款。是君之素也。泉之岡部侯。每有朝鮮之聘。例司浪華公館。必用文儒供其應接。於是欲辟君充其職。而知君不肯。宦苦以客禮召之。君亦悅觀光之美也。應之。受其廩。給嘗有言曰。我雖貧。孰與吾字先生之貧哉。家人以

君老且病。請用帛易布被。君却之曰。吾嘗養親。不能極輕煖之足於體。今吾曷以是為。因忽淚數行下。其秉心也如斯。寬政二年庚戌。卧病彌留。至九月二十二日卒。距生享保八年乙巳。得年六十有八。葬城南之梅松院。有遺文若干卷。君晚娶河原氏。先沒。無子。養平井氏名蘊者為後。亦為存父之祀也。已於是蘊持其狀。謁余志其墓碣。余嘗從字先生學文。乃與君相交四十年如一日也。道雖不同。於其所執。未嘗不相謀也。凡有著作。莫不相眎。悅其同調。今也則亡。寧無有無質之嘆乎哉。且字先生之門。獨有君。而今則



亡矣。孰可志其墓者。乃爾使余。余也方外人。何以文為。且余老於君五歲。不圖後於君而志其墓也。唯其相知深且久。莫余如也。詎不可辭。乃銘之曰。嗚乎北海萬里而南。檣梓厥偕。既安且湛。存于此。喪于此。復何招魂于彼。

了義新川君墓碣銘

大典和尚

君諱世璣。字在倩。姓新川。系自藤原。乃日野家之庶也。和泉貝塚人。其宗為卜半。著于世。父孔嘉。母新明氏。有七子。君居其長。世業醫。該練其術。君續緒。技行遠近。諸乞診治者。屢恒滿戶外。為人慷慨尚古。傍信佛乘。性彊記多所諳。與人談故。究由。亶亶不絕。寬政八年丙辰十月二十九日。暴疾而終。距先元文四年己未正月三日。享年五十有八。葬于邑中上善寺。妾某有四男。綱之。統之。純之。緝之。三女。早夭。一女未嫁。云。余締交父子之間。幾四十年。君少余二十一歲。乃



先余溘往。豈不傷乎。為銘其石曰。  
醫國能救天札。胡為不永厥躬。克了上乘之義。庶幾  
慧命無窮。

柳居上條翁墓碣銘

奧野小山

許  
翁諱良材。字伯方。稱作之右衛門。柳居其號。姓上  
條氏。其先甲斐人。系出於武田氏。五世祖可一君。  
姓徙界府。為與力。子孫遂為界府人。翁少襲父職。  
謹慎清廉。理獄公平。當時有循吏之稱。公退之暇。  
講武學文。以率子弟。在職數十年。未嘗一日見惰  
容。既老。欲解職。故事與力解職。初以疾聞。不詳使  
人代告其狀。而後許之。翁則徑謁長官。以實告焉。  
而見許。其誠意孚於人也。可見矣。翁既致仕。讀書  
自樂。無他嗜好。嘗曰。漢學世不乏其人。余則將脩



國學也。從是專讀國史。先是蒲生君平著山陵志行世。翁曰：此未盡也。余且補之。乃游畿甸，尋古陵，審其地理，徵之書史，有所發明，遂著一書，名曰陵墓圖考。讀者服其精覈，又善國雅，然不多咏也。我口口公鎮大陂城，屢召翁於別館，對晤移晷，日柳居風流閑雅，可與俱談者。一日讀夫木集，至玉造河之事，疑之，問左右曰：此河屬何州？咸曰：不知。公曰：非柳居，恐不能辨焉。乃命侍臣質諸翁。翁備錄以答，公大悅。天保己亥春，公謂侍臣曰：久不見柳居，不知近狀何如。其日遣使召翁，又延之於別館。

是日純亦在坐。始與翁相見，翁長身昂然，音吐清亮，人望而知其為偉人矣。是歲冬，純游界府，見翁。翁曰：此地雖小，亦一都會。子可以下，惟授徒矣。僕請為周旋。純之所以羈寓不困，以至今日者，乃翁之賜也。翁性不嗜飲，然客至必設酒，盡其歡而止。有言人之短者，則揚其所長以掩之。是以人皆稱翁之長者。天保癸卯七月四日，以疾歿，享年六十。六葬于水府，遍照寺先塋之次，娶金井塚氏，先歿。有子五人，四男一女，三男皆夭，一男名維，尚幼。一以故養坂府士人牧野氏子義邦為嗣，以其女配。



焉。男梢長。出嗣根未氏。義邦請銘其墓。銘曰。  
清與慎勤。以遺孫子。豈唯孫子。式其隊士。

小山堂文抄卷下 三

慈齋渡邊翁墓碣銘

奥野小山

翁諱雅。字民雄。稱又八郎。坂府與力桑原某子。養於界府與力渡邊國雄。因冒渡邊氏。翁在職。以廉潔自持。不受囑託。其對囚取服辨。筆翰如流。既成。案不改一字。人皆稱其明敏。府尹三宅公委任不疑。翁亦以為知己。盡心吏事。公病卒。翁謂知己難再遇。遂稱病辭職。時年四十九矣。既致仕。號慈齋。以探勝區為樂。其游長崎也。從者僦輿馬。鼎錢太。少翁曰。此行非公事。何與官吏同雇錢。再鼎錢謝之。其質直率此類。嘉永元年戊申五月十八日病。



沒享年七十七。葬於南宗寺中本源院先塋之次。翁為人和而莊。雖杯酒間未嘗失儀貌。每歲暮施米貧民。少壯學武技。善銃術。傍學蹋鞠茶儀俳詞雜技。皆有所得云。娶黑崎氏。先歿。養篠山藩士石田氏子篤。字子敬。為嗣。以女妻之。蓋以子敬係渡邊氏血屬也。子敬以狀來請銘。銘曰。循奉三尺。以治衆民。一操一縱。邊翁其人。鼎知竭力。吾事既畢。人稱其敏。我服其實。

荏隈町田君墓碣銘

塩谷岩陰

町田君諱耕。字子顥。號荏隈。豐後府內人家。世業醫。父諱直。母若杉氏。兄弟五人。君於輩行為第四。伯曰元仙。父兄皆遠游客。死。君傷之。發憤讀書。誓償先人志。弱冠游筑前。入龜井昭陽塾。貧不能自給。至為友生理。髮以資膏火。既而赴平安學醫。轉游浪華。及畧浦。所至困約。人所不能堪。君少撓。講業益勤。最後不再詣畧浦。有原某者。深服君。留宅其地。以先業啓家。乞治者日漸衆。性好施。與赴急濟患。甚於己私。寒士窮氓致謝。皆辭弗受。至故舊門生孤獨之屬。徃往舍



而看撫之。無異家人。若死。捐金營葬。初伯兄死。仲兄  
嗣家貧。其它質於人。君為捐二百金贖還。前後周宗  
族者。數百千金。諸有舊恩者。靡細大必厚報之。君天  
資浩磊。與物無忤。人一見即心醉。詞人墨客。至末枝  
曲藝之流。有過訪者。皆款接罄歡。或挽留至期年。及  
去。又為給盤纏。以故所得金帛。隨手而竭。不以屑意。  
良醫義俠之稱。布於遐邇。安政乙卯十二月十六日。  
罹疾而沒。享齡四十有六。葬於浦之北十輪寺。葬之  
日。遠近弔奠。及來觀者數百人。拜墓者數日不絕。識  
與不識。莫不嘆惜。以言自今而後。豈復有若君者哉。

君不娶妻。以從子讓嗣家。小林士篤者。淀城人也。教  
授浦之鄉校。素與君親善。及君沒。首經紀後事。為撰  
行述。介平安賴子復。屬予為銘。銘曰。

人而鄙吝。	曾不若狗。	君則浩落。	視貨如糞。
允哉德慧。	存乎痼疾。	茹苦喫辛。	終成偉質。
生不相識。	世既古今。	觀之在迹。	知之在心。
人之好善。	孰不若我。	貞珉不泐。	千秋淚墮。



鶴梁文鈔統編卷三

故從五位下備後守岡部君碑 林鶴梁 名長孺

岡部君以慶應元年九月十日卒嗣子豐寧既立石以表之、又欲書世系履歷以揭其側、持狀來請、余文案狀、君諱豐常、稱主稅、故從五位上行左近衛少將兼備前守戶田君諱氏、倚第二子、未嗣岡部氏、生母側室中村氏、寬永中有諱豐明者、稱市正、從五位下、岸和田、倭美濃守岡部君諱宣勝、第三子、年甫九歲、以蔭補入侍 世子 賜廩米千石、及 出子承 統轉小性、遷中奧小性、特命 賜采地二千石、實為岸和田支族、君其八世之孫也、考諱豐矩、稱左近、初左近無子、乞養、故從五位下、今



治戾河內守松平君諱定休女配君君既螟於岡部氏以  
善武技擢為 西城小性番 賜廩米三百石在正  
老君承後轉使番進布衣班以本職攝火事場見廻擢  
禁裡附叙從五位下任備後守又轉京都町奉行  
皇宮災君率部下駁奪救火  
車駕避聖護院遂

幸桂殿君皆扈從護衛尤勗而延燒闈闈百有餘坊君承  
命急令巨剝搆假屋數所居窮民之遇災者又發

廩賑給追  
皇居再成

還幸畢事公務紛靡而君拮据竭力雖祁寒暑雨未嘗少  
委靡沮喪也輪王寺法親王東下君奉護從行歸江戶轉  
槍奉行坐京都町奉行時事罷職居三年復起為新番頭

昭德公西征君從軍至大坂淹留數月適罹萬疾藥  
石無效遂至於不可諱嗚呼哀哉春秋六十 公

賜賻銀十緡葬泉州泉光寺之域從宗家先壙也浮屠氏  
追號曰大光院頂翁仁眼居士松平夫人有婦德婉淑善  
治家子男四人曰豐尚先卒曰某出嗣同族岡部某曰義  
路出嗣宮原某曰鍾八郎遺腹子君易簀之前乞養諏訪  
賴德第三子為嗣即豐寧女三人女孫二人君稟資忠厚



與人接誠意藹々最力吏事治家儉約自率雖兒女子絕  
無驕奢態而好施與見單窶不能存者輒出家貲周贍歲  
時祭祀豐而碩西城之災獻金一百助其用度在職  
前後凡三十餘年受

天子之賜與

幕府之賚者數矣通計黃金十六枚白

銀六百錠至於衣服器物不暇枚舉嗚呼

恩遇隆渥亦可以證君之功德也今而不傳焉將使

恩意之重因以泯々不亦概見於天下後世也則碑銘之

請其可辭乎銘曰

約已豐物人感誠意其於蒞官銳精勵志受職上國

蹇蹇

王事欲知功勞請視

寵賜



黑川真道藏書

明治六年三月百校



